

Kven kan få tilleggsstipend ved nedsett funksjonsevne?

Tilleggsstipendet er på inntil 4 280 kroner per månad. Du kan få tilleggsstipend dersom du er i stand til å studere, men på grunn av nedsett funksjonsevne bruker så mykje tid og krefter på å studere, at du ikkje kan ha lønna arbeid. Med lønna arbeid meinast alt arbeid der lønna er skattepliktig. Dette gjeld også lønn under grensa for frikort. **Unntak:** Har du verv ved sidan av utdanninga har rett til tilleggsstipend uavhengig av om du får skattepliktig honorar eller lønn frå vervet.

Stadfesting frå lege eller spesialist/fagperson

Ein lege, spesialist eller annan fagperson med særleg kjennskap til den nedsette funksjonsevna må vurdere korleis søkarens funksjonsevne påverkar studiesituasjonen i studieåret 2023–2024 og stadfeste opplysningane i punkt 2 i søknaden. Lege/fagpersonen må gjere ei eiga vurdering av korleis den nedsette funksjonsevna påverkar studiesituasjonen i dette studieåret.

Søk om lån og stipend før du søker om tilleggsstipend

For å få tilleggsstipend må du først ha sendt inn [ein søknad om lån og stipend](#) på lanekassen.no for same periode som du søker om tilleggsstipend. Du finn [fristane for søknaden om lån og stipend](#) på lanekassen.no/fristar.

Ekstra lån og stipend for sommaren og stipend til forseinking

Du kan i tillegg søke om lån og stipend for sommaren, eller om stipend til forseinking utover eitt år / 60 studiepoeng. [Les meir om støtte for sommaren og stipend ved forseinking, og om korleis du søker](#), på lanekassen.no/nedsettfunksjonsevne.

1 Personlege opplysningar

Kundenummer i Lånekassen	Fødselsnummer (11 siffer)
Etternamn	Fornamn og mellomnamn

2 Stadfesting frå lege, spesialist eller annen fagperson med særleg kjennskap til den nedsette funksjonsevna

Merk: Personar som kan reknast som inhabile på same måte som persongrupper omtalte i forvaltningslova § 6, kan ikkje stadfeste søknadsopplysningane.

Pass på at personlege opplysningar i punkt 1 er utfylte før du kryssar av i punkt 2.

Søkaren kan ikkje ha lønna arbeid i det heile tatt (med unntak av verv) så lenge han/ho får dette stipendet. Det gjeld for alle dagar i veka og i feriar i perioden frå og med 16.08.2023 til og med 15.01.2024 for hausten, og frå og med 16.01.2024 til og med 15.06.2024 for våren.

Må søkaren på grunn av nedsett funksjonsevne, bruke betydeleg meir tid og krefter på utdanninga enn det som er vanleg, og fører dette til at søkaren ikkje kan ha lønna arbeid ved sida av utdanninga utan at det går ut over normal studieprogresjon?

Ja Nei

Ved å svare **Ja** stadfester du at den nedsette funksjonsevna fører til at det er nødvendig for søkaren å bruke vesentleg meir tid og krefter på å studere for å oppretthalde normal studieprogresjon. Du stadfester også at konsekvensen av ekstra tidsbruk er at søkaren ikkje har kapasitet til å ha nokon form for lønna arbeid ved sida av utdanninga i den perioden stadfestinga gjeld for. Begge forhold må vere oppfylte for å svare **Ja** på spørsmålet. Dersom berre eitt av forholda er oppfylt, må du svare **Nei** på spørsmålet.

Søknaden fortset på neste side





Er søkeren i stand til å studere i perioden stadfestinga gjeld for?		<input type="checkbox"/> Ja <input type="checkbox"/> Nei
Ved å svare Ja stadfester du at søkeren er i stand til å studere i søknadsperioden. Tilleggsstipendet kan ikkje bli gitt til ein søker som er heilt studieufør på søknadstidspunktet for tilleggsstipend. Søkar som er studieufør i kortare periodar fordi den nedsette funksjonsevna blir forverra, eller er studieufør av andre medisinske årsaker, kan ha rett til sjukestipend. Les meir om sjukestipend på lanekassen.no/sjuk.		
Kva periode gjeld stadfestinga for?		<input type="checkbox"/> Haust 2023 (16.08.2023–15.01.2024) <input type="checkbox"/> Vår 2024 (16.01.2024–15.06.2024)
Her forsikrar du at stadfestinga du har gitt, gjeld for heile perioden du kryssar av for. Hugs at søkeren må levere søknad med ny stadfesting frå lege / annan fagperson for kvart studieår, fordi det er situasjonen i det aktuelle året som avgjer om søkeren har rett til tilleggsstipendet eller ikkje.		
Dato	Namnet til lege/fagperson med blokkbokstavar (Dersom annan profesjon enn lege, oppgi profesjonstittel)	Stempel og underskrifta til lege/fagperson
3 Underskrifta til søkeren		
Dette skriv eg som søker under på:		
<ul style="list-style-type: none">Eg forsikrar om at eg på grunn av nedsett funksjonsevne ikkje er i stand til å ha nokon form for skattepliktig lønna arbeid ved sida av studiet i heile perioden eg søker om tilleggsstipend for, både kvardagar, helger og feriar. Unntak frå vilkåret gjeld dersom eg har eit verv, og ikkje eit ordinært arbeid.Eg forsikrar om at eg er i stand til å studere og er studieaktiv i heile perioden eg søker om tilleggsstipend for.Eg er kjend med vilkåra for ekstrastipend til søkarar med nedsett funksjonsevne, som eg finn i § 73 og § 83 i forskrift om utdanningsstøtte på lanekassen.no/forskrifter-nn.Eg forsikrar om at opplysningane eg har gitt i denne søknaden, er riktige og så fullstendige som mogleg. Dersom det oppstår endringar etter at søknaden er sendt inn, for eksempel forbetring av arbeidsevna mi, slik at eg kan ta lønna arbeid ved sida av utdanninga, forpliktar eg meg til å gi Lånekassen beskjed. Sjå kapittel 13 i forskrifta om utdanningsstøtte.Eg er kjend med at Lånekassen kan kontrollere dei opplysningane eg har gitt, med andre offentlege institusjonar, kontor og register. Sjå forskrift om behandling av personopplysningar i Lånekassen (lovdata.no) og forskrift om utdanningsstøtte på lanekassen.no/forskrifter-nn.Eg er kjend med at tilleggsstipend for søkarar med nedsett funksjonsevne blir behovsprøvd mot inntekta, trygda og formuen min og mot formuen til ein eventuell ektefelle / sambuar eg har barn saman med. Tilleggsstipend kan bli gjort om til lån dersom inntekta og/eller formuen har vore høgare enn dei fastsette grensene, jf. kapittel 12 i forskrift om utdanningsstøtte. Person- og kapitalinntekta og formuen på skatteoppgjeret for dei kalenderåra eg har fått støtte, blir lagde til grunn.Eg er klar over at urette eller ufullstendige opplysningar kan føre til at stipendet blir gjort om til lån, at eg må betale tilbake støtte eg ikkje hadde rett til, og at lånet kan bli rentebelasta og eventuelt sagt opp. Eg er klar over at eg også kan miste retten til utdanningsstøtte, betalingslette og sletting av gjeld i framtida, og at grove tilfelle kan bli melde til politiet, jf. kapittel 13 i forskrift om utdanningsstøtte.		
Dato	Underskrifta til søkeren	

Søknaden må ha komme inn til Lånekassen før perioden du har søkt om lån og stipend for, er avslutta. Last opp søknaden på Dine sider eller send den i posten til **Lånekassen, postboks 450 Alnabru, 0614 Oslo**.

Behandling av personopplysningar: Lånekassen behandlar personopplysningar i samsvar med regelverket for personvern. [Les personvernerklæringa vår](#) på lanekassen.no/personvern-nn.